



BOSNIA AND HERZEGOVINA
MINISTRY OF COMMUNICATIONS AND TRANSPORT

Broj: 01-07-29-12-3399-1/17
Sarajevo, 06.12. 2017. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

| | | | |
|------------------------|-----------------------|------------|--------------|
| PRIMLJENO. 12-12-2017 | | | |
| Organizaciona jedinica | Klasifikaciona oznaka | Redni broj | Broj priloga |
| 01/5- | 29- | 2188 | 17 |

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
KOMISIJA ZA SAOBRAĆAJ I KOMUNIKACIJE
n/r Momčilo Novaković, predsjedavajući komisije

PREDMET: Informacija i prijedlozi mjera za uređenje tržišta elektronskih medija, *dostavlja se*

Komisija za saobraćaj i komunikacije Predstavničkog doma Parlamentarne skupštine Bosne i Hercegovine (u daljem tekstu: Komisija) je svojim zaključkom sa 41. sjednice održane 13.11.2017. godine, između ostalog zadužila i Ministarstvo komunikacija i transporta Bosne i Hercegovine (u daljem tekstu: Ministarstvo) da dostavi informaciju i prijedlog mjera za uređenje tržišta elektronskih medija. Komisija je ovakav zaključak donijela nakon razmatranja dopisa Asocijacije kablovskih operatera i distributera mrežnih usluga u BiH u vezi sa kupovinom prava za zemaljsko emitovanje utakmica Evropskog prvenstva u košarci. S tim u vezi Ministarstvo daje sljedeću informaciju, u skladu sa svojim nadležnostima.

Vijeće ministara BiH je na svojoj 41. sjednici održanoj 7. marta 2013. godine usvojilo Odluku o određivanju tijela nadležnog za saradnju sa regulatornim tijelima iz oblasti audiovizuelnih medijskih usluga i određivanju nadležnog tijela za utvrđivanje liste važnih događaja za emitiranje u Bosni i Hercegovini („Službeni glasnik BiH“, broj 22/13). Članom 3. ove Odluke je, između ostalog, propisano da listu važnih događaja utvrđuje Vijeće ministara BiH, a na prijedlog Ministarstva komunikacija i transporta BiH.

Svrha utvrđivanja Liste važnih događaja za emitovanje u Bosni i Hercegovini je osiguravanje uslova da se najvažniji, primarno sportski događaji, emituju tako da budu dostupni najširoj javnosti u Bosni i Hercegovini. Shodno navedenom, Ministarstvo komunikacija i transporta BiH je, u saradnji sa Regulatornom agencijom za komunikacije BiH, izradilo Nacrt prijedloga odluke o utvrđivanju liste važnih događaja za emitovanje u BiH, koji je dostavljen na mišljenje sljedećim institucijama: Odbor Javnog RTV sistema BiH, Radio-televizija BiH, Ministarstvo prometa i komunikacija FBiH, Radio-televizija FBiH, Ministarstvo saobraćaja i veza Republike Srpske, Radio-televizija Republike Srpske, Vlada Brčko Distrikta BiH i Asocijacija kablovskih operatera i distributera mrežnih usluga u Bosni i Hercegovini.

Do sada, svoje mišljenje su dostavili svi izuzev Radio-televizija FBiH. Ministarstvo je uputilo urgenciju Radio-televiziji FBiH za dostavljanje mišljenja, te se nadamo da će u što skorijem vremenu dostaviti mišljenje.

Nakon dostavljanja mišljenja Radio-televizije FBiH i razmatranja i ugrađivanja svih osnovanih mišljenja u tekst odluke, Nacrt odluke o utvrđivanju liste važnih događajaće biće upućen u dalju redovnu proceduru.

S poštovanjem,



Prilog:

- Kao u tekstu

Dostaviti:

- Naslovu
- 01, 02, 03, 04 i 07
- a/a